



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Art. II. De Præcepto Charitatis erga Proximum.

**urn:nbn:de:hbz:466:1-40986**

saltem ex natura operis. 4. Quia (ut alias probatum est, ) semper tenemur agere propter finem honestum, ideoque ex motivo alicujus virtutis. At omnis honestas, & actus virtutis ex natura sua refertur, & ordinatur ad Deum tanquam ad Regulam, fontem, ac finem omnis honestatis, & ex se tendit ad Dei gloriam, cum sit conformis ejus voluntati, eique placeat.

## ARTICULUS II.

### *De Præcepto Charitatis erga Proximum.*

Q. I. *AN datur præceptum diligendi proximum, & ad quid obligat?*

Resp. I. Extat præceptum speciale diligendi proximum non tantum actu externo, sed etiam interno, & amore benevolentiae, quo ei velimus bonum, quatenus ejus bonum est. Constat ex Matth. 22. Secundum autem (mandatum) simile est huic: *diliges proximum sicut te ipsum.* & ex Joan. 15. *Hoc est præceptum meum, ut diligatis invicem sicut dilexi vos.* Et 1. Joan. 4. *Hoc mandatum habemus à Deo, ut, qui diligit Deum, diligat & fratrem suum.* Dilectio autem est affectus voluntatis, quo volumus bonum personæ amar-

amatæ. Hinc Innoc. XI. damnavit has propos. 10 *Non tenemur proximum diligere actu interno & formaliter.* 11. *Præcepto proximum diligendi satisfacere possumus per solos actus externos.*

*Resp.* II. Hoc præceptum complectitur omnes creaturas rationales ejusdem nobiscum beatitudinis capaces ; nam ii omnes, & soli Charitate divina amari possunt, & debent, quibus debemus, & possumus propter Deum velle summum bonum beans, in cuius communicatione, & capacitate fundatur dilectio Charitatis. Ac proinde complectitur omnes Angelos, ac homines beatos, animas in Purgatorio detentas, & omnes homines viatores ; five sint justi, amici, consanguinei, Catholici ; five peccatores, inimici, extranei, & infideles : sunt enim hi omnes nobis proximi communione capacitatis ejusdem beatitudinis, ac hæreditatis æternæ, quam jam beati possident, & ad quam alii destinantur, & quam possunt consequi, quamdiu in via sunt. Ideoque amandi sunt amore benevolentia, tendentis ad unionem, quæ intercedere debet inter fratres, & cohæredes. Unde tenemur omnes omnino homines in universalis amare, nullo excepto ; in particulari verò hos determinatè, quibus opitulari debemus, vel in quos odium deponi nequit, nisi sigillatim actu interno diligantur.

Hinc soli Dæmones, & homines jam dam-

damnati excipiuntur: quia Charitas est amor benevolentiae, quo volumus praepare beatitudinem æternam, & quæ ad eam conducere possunt. At hoc non licet damnatis velle; nam amor ille repugnaret Charitati erga Deum, qua approbamus ejus justitiam, inquit S. Th. q. 25. a. II.

*Resp.* III. Hoc præceptum, ut est affirmativum, obligat ad amandum proximum propter Deum amore benevolentiae affectivo, & effectivo, sicut nos ipsos amamus, non quidem secundum omnimodam qualitatem, (ut ait S. Thom.) sed secundum similitudinem; ita ut idem bonum proximo velimus, & ei quantum possumus procuremus in necessitate, quod tenemur nobis velle, & rationabiliter volumus: & quidem principaliter beatitudinem æternam, ac media ad eam assequendam necessaria; secundariò autem bona temporalia necessaria ad vitam corporalem convenientem, & quatenus ex auxilio gratiae ad salutem conducunt, eaque, quantum possumus, ei procuremus in ejus necessitate. *Velle debemus, ut omnes nobiscum diligant Deum, & totum, quod vel eos adjuvamus, vel adjuvamur ab eis, ad unum illum finem referendum est.* ait S. August. lib. I. de Doctr. Christ. c. 29.

Obligat autem ad eliciendum sœpè in vita actum internum amoris supernaturalis erga proximum propter Deum, & ad exercitium.

*Tom. I.*

*Dd*

*cen-*

## TRACTATUS

418

cendum externum, seu effectivum amorem posatum in opitulatione proximi, sive spirituali, sive corporali, quoties ipse indiget, & possumus ei opitulari: nam amare est bonum velle, & facere, cum possis, juxta illud 1. Joan. 3. *Non diligamus verbo, neque lingua, sed opere, & veritate.* Deinde internus amor proximi præceptus est in bonum, ac utilitatem proximi: at non potest prodesse proximo, nisi per Beneficia, & auxilia.

Dixi, *Propter Deum*, hoc est, quia ad Deum pertinet ut imago ejus, ut capax dilectionis, & possessionis ejus, ut ab ipso Creatus, Redemptus, &c. Ita ut Deum in ipso amemus, &c. Et quia id Deo summe bono, & amato placet. Nam amare proximum propter aliquam utilitatem temporalem, vel quodvis aliud motivum naturale, non est actus Charitatis. *Siquis quemlibet amat, sed propter Deum non amat, Charitatem non habet.* ait S. Gregor. Homil. 38. in Evang. & S. August. lib. 1. de Doctr. Christ. cap. 27. ait: *Omnis homo, in quantum homo est, diligendus est propter Deum, Deus vero propter seipsum.* Et vero debemus diligere alios, sicut Christus nos dilexit, ex Joan. 15. suprà cit. Christus autem omnes dilexit propter Deum.

Hinc objectum formale, seu motivum, Charitatis erga proximum est infinita Dei bonitas absoluta, seu amabilitas, quæ sicut mo-

movet ad amorem Dei, movet quoque ad amorem proximi propter Deum; eo quod ad Deum pertineat, & Deus amet omnes homines, etiam peccatores, quandiu sunt in via, volendo illis summi boni, nempe sui ipsius fruitionem, eis conferendo media ad eam assequendam sufficientia, aliaque bona, velitque, ut omnes amemus.

*Resp. IV.* Hoc præceptum, quatenus est negativum, vetat pro quovis tempore odium, & omnes actus oppositos amori benevolentiae, ne scilicet proximo unquam velimus, optemus, inferamus malum spirituale; nec etiam temporale, saltem ut ipsius malum, & sine justa causa, & auctoritate. Quod addo, quia ex justa causa, & auctoritate potest inferri malum temporale proximo ob finem bonum, v. g. aliqua punitione à superiore correctionis causâ, vel à judice ob crimina ex motivo justitiæ. Hinc nunquam licet odisse ullum hominem, quantumvis improbum, ex displicentia personæ, ei optando malum, quatenus ejus malum est, aut gaudendo de ejus malo ut ejus malo, vel dolendo de ejus bono, ut ejus bonum est. Duæ autem sunt Regulae generales duplicitis hujus præcepti à scriptura traditæ, & lumine naturali notæ. 1. Pro affirmativo. *Omnia quacumque vultis (rationabiliter) ut faciant vobis homines, & vos facite illis. Hæc est enim Lex, & Prophetæ.* Mat. 7. 2. Pro negati-

Dd 2

vo.

## TRACTATUS

420

vo. Quod ab alio oderis fieri tibi, vide,  
ne tu aliquando alteri facias. Tob. 4.  
Hinc S. August. lib. de vera Relig. cap.  
46. ait. Ea est Regula dilectionis, ut, qua  
sibi vult bona provenire, & illi velit;  
& qua accidere sibi mala non vult, &  
illi nolit.

Q. 2. An tenemur diligere inimicos, id  
est, eos, qui nos, vel nostros oderunt,  
vel aliquâ injuriâ affe-  
cerunt?

*Resp.* I. Præceptum Charitatis erga præ-  
ximum obligat etiam erga inimicos, perinde,  
ac si tales non essent. Ita omnes, quia  
nihilominus sunt verè proximi, utpote ejus-  
dem nobiscum æternæ beatitudinis capa-  
ces, per quam capacitatem nobis societate  
quadam conjunguntur. Quare tenemur  
eos non solùm non odisse, sed etiam pos-  
tivè diligere amore affectivo, non quidem  
ut sunt inimici, sed ut sunt homines beati-  
tudinis capaces, & quia Deus vult, utillos  
amemus. Et constat etiam ex Matth. 5.  
*Ego autem dico vobis: diligite inimicos*  
*vestros, benefacite his, qui oderunt vos:*  
*& orate pro persecutibus & calumni-*  
*antibus vos.* Quæ verba, juxta Ecclesiæ  
& Patrum interpretationem continent ve-  
rum præceptum, quod est etiam juris na-  
turalis.

*Resp.*

*Resp.* II. Ex Charitate obligamur erga inimicos generatim ad ea omnia, ad quæ tenemur erga proximum, modo supra explicato; siquidem sunt verè proximi nostri. Speciatim verò tenemur 1. Omnes in illos odium, ac vindictæ affectum reji- cere, ac deponere, atque omnes offensas ex corde iis remittere, ita ut ob offensam illis non malè velimus, sed ea non obstante semper parati simus iis exhibere debita internæ dilectionis signa, et si veniam non pe- tant, imò in odio contra nos persistant, ex Matth. 6. *Si non dimiseritis hominibus: nec Pater vester dimitte vobis peccata vestra.* Et Eccli. 10. *Omnis injuria pro- ximi ne memineris: & nihil agas in ope- ribus injuria.* Unde nunquam licet iis velle malum ut eorum malum, nec de ma- lo ut eorum malo gaudere, vel de eorum bono ut eorum bono dolere; hæc enim sunt odii actus. *Cum ceciderit inimicus tuus, ne gaudeas, & in ruina ejus ne exult- eset cor tuum: ne forte videat Dominus, & displiceat ei.* Prov. 24. *Si de prosperi- tate addicitur, & de calamitate se odien- tis latatur, constat, quod non amat.* ait. S. Gregor. lib. 22. Job. cap. 6. neque licet à Deo, vel hominibus vindictam injuria ex- petere ex displicentia personæ, multò mi- nùs eam sumere.

2. Tenemur eos non excludere ab actu interno Charitatis, quem erga proximum

Dd 3

clie

elicimus, sed eos in eo generatim includere; imò in particulari hos numero, ac determinatè diligere, quoties periculum est, ne ob gravem injuriam acceptam eos oderimus, eisque malum optemus, ut s̄epe contingit, nisi illud odium āctu amoris, & oratione cohibeatur: nam tunc ille amor est medium necessarium ad servandum præceptum,

3. Tenemur inimicis ex interno affectu præstare communia dilectionis signa, & beneficia, quæ aliis ejusdem statūs, & conditionis præstare solemus, qualia quæ Christiano debentur à quovis Christiano, concivi à concive, cognato à cognato, pauperi à divite, superiori à subdito, &c. Ita *commun.* S. Thom. 22. q. 25. a. 9. nam tenemur inimicos diligere, eis benefacere, & pro eis orare, in particulari quidem, quando occurrit necessitas: & in communi extra casum necessitatis, quando scilicet alios homines in communi amamus, vel aliis hominibus benefacimus, aut pro eis oramus in communi, etiam absque obligatione. Hinc non licet inimicum excludere à communibus orationibus, vel eleemosynis, à refalutatione, à responsione ad interrogata, mercium expositarum venditione, &c. Nam talis exclusio esset vindicta privato illicita, & in talibus circumstantiis signum odii præbens scandalum; ideoque de se adversatur Charitati, & quidem graviter,

Spe.

Specialia autem benevolentiae, signa, & beneficia non tenemur eis præstare per se loquendo, nisi iis indigeant; sed solum esse parati ad præbendum, quando egebunt: quia præceptum de exhibenda benevolentia non obligat pro omni tempore, sed tantum in casu indigentiae proximi, juxta illud Prov. 25. *Si esurierit inimicus tuus, cibas illum... & Dominus reddet tibi.* Enim verò ex præcepto Charitatis non aliter tenemur, per se loquendo, amare inimicos atque alios homines; nam non magis sunt proximi nostri, quam alii homines. Non tenemur autem per se loquendo amare alios homines in particulari ex lege Charitatis, nisi in casu necessitatis; & extra casum necessitatis sufficit, si eos amemus in communi, & eis communia benevolentiae signa exhibeamus.

Dixi, *Per se loquendo.* Nam ob circumstantias quasdam potest esse ratio obligationis ad ista specialia præstanda inimico, ut periculum scandali ex omissione, inimici necessitas spiritualis, vel temporalis, exhibitio specialium signorum amoris ex parte ipsius. Item si per aliqua specialia beneficia, vel signa amoris certò possis, saltem sine gravi incommodo, inimicum tibi, & Deo reconciliare, ad ea teneris; quamvis ille prior offenderit, & nolit inimicitiam deponere, nisi tu cum sic prævenias, juxta illud ad Rom. 12. *Noli vinci à malo, sed*

Dd 4                      vin-

*vincere in bono malum.* Quia ex Charitate tenemur grave damnum proximi, præser-tim spirituale, licet ex ejus culpa obveniens, impedire, vel tollere, cum possimus saltem sine nostro gravi incommodo: Imò juxta Suarez, & alios, si inimicum ante offensam solebas salutare, alloqui, cum eo conversari, &c. Tamen si illa sint specialia dilectionis signa, teneris eadem præstare, nisi circumstantiae speciales aliud postulent, vel excusent, ut si specialis illa benignitas inimico non sit profutura: quia istorum recusatio extra circumstantias speciales censetur communiter signum odii, vindictæ, vel contemptus, ac proinde odii fo-mitem, & scandalum præbet, & Charitati adversatur. Item tenemur specialia beneficia, & signa inimico exhibere, si ipse ea nobis prius exhibeat: nam horum omissione censeretur moraliter vindicta, & signum inimicitiae: quæ præcepto negativo vetantur.

4. Tenemur inimico veniam petenti non solum offendam condonare ex animo, nempe odium, malevolentiam, & vindictæ appetitum rejiciendo, ac deponendo (ad quod obligamur etiam si non peteret) sed etiam externa benevolentia, & reconcilia-tionis signa exhibere, habita ratione cir-cumstantiarum. Tunc enim horum omis-sio esset quædam odii declaratio, vindicta, & scandali causa. Excipe nisi sit Pater,

vel

vel quivis Superior, qui quandoque potest  
justæ correctionis causâ erga liberos, vel  
subditos benevolentia signa differre, mo-  
dò intus Charitatem servet.

5. Tenemur inimicis in necessitate sive  
spirituali sive corporali opitulari, & dam-  
num in honore, fama, corpore, vel rebus  
impedire, saltem dum sine nostro gravissi-  
mo damno possimus. *Benefacite his, qui ode-  
runt vos.* Mat. 5. nam ad id tenemur er-  
ga proximum. Porro qui alterum injustè  
offendit, tenetur veniam petere; nam id  
exigit ratio justitiae: quod si duo mutuo se  
offenderunt, tunc si offensio sit æqualis  
gravitatis, tenetur reconciliationem pe-  
tere, qui prius offendit: si inæqualis, tene-  
tur ille, qui gravius offendit; nisi forte gra-  
vior offensio æquaretur prioritati, offen-  
sionis, judicio prudentis; tunc enim pares  
essent.

*Resp.* III. Non tenemur remittere ini-  
mico satisfactionem debitam, ut honoris,  
famæ, vel pecuniæ: quia eam exigere non  
est vindicta, sed usus juris. Quippe inju-  
riam passus habet jus ad congruam satisfa-  
ctionem, & jus illud per legitimam pote-  
statem prosequendi. Et hæc compensatio,  
seu restitutio non expetitur, quatenus est  
malum inimici, sed quatenus in nostrum  
bonum justum cedit, & malum nostrum  
expellit. Imò adversus illum licet insti-  
tuere actionem tum civilem, tum crimi-

nalem, modò id non fiat ex odio, vindicta, vel alio pravo fine. Civilem quidem, ut damnum illatum compenset, vel pro injuria satisfaciat: criminalem verò ex amore publicæ justitiae, ne aliis noceat, vel ne impunita maneant crimina cum Reip. damno. Qui tamen uterque procedendimodus ordinariè non vacat periculo, cùm pauci amore justitiae, aut boni communis ducantur, plurimi verò vindictæ explendæ desideriō. Ita S. Thom. 22. q. 108. a. 1. ubi ait. *Vindicatio fit per aliquod pœnale malum inflictum peccanti.* Est ergo in vindicatione considerandus vindicantis animus. Si enim ejus intentio feratur principaliter in malum illius, de quo vindictam sumit, & ibi qui-escat, est omnino illicitum: quia delectari in malo alterius pertinet ad odium, quod Charitati repugnat, qua omnes homines debemus diligere. Nec aliquis excusatur, si malum intendat illius, qui sibi injuste intulit malum: sicut non excusatraliquis per hoc, quod odit se edientem. Non enim debet homo in alium pescare propter hoc, quod ille pescavit prius in ipsum. Hoc enim est vinci à malo, quod Apostolus prohibet. Rom 12. Dicens, noli vinci à malo, sed vince in bono malum. Si verò intentio vindicantis feratur principaliter ad aliquod bonum, ad quod pervenitur per pœnam peccantis: puta ad emendationem pec-

peccantis, vel saltem ad cohibitionem ejus, & quietem aliorum, & adjustiae conservationem, & Dei honorem, potest esse vindicatio licita, aliis debitibus circumstantiis servatis.

Æquam tamen ad arbitrium prudentum satisfactionem ab inimico oblatam acceptare tenemur ex Charitate: nec tunc licet judicem interpellare, nisi reus sit Reip. noxius, vel periculum sit, ne alios similiter injuriâ afficiat. Nam extra hos casus actionem civilem instituere, & inimicum sumptibus onerare est contra Charitatis legem vetantem, ne alteri facias, quod tibi non vis rationabiliter fieri.

Q. 3. *An vindicta, seuredditio mali pro malo, facta auctoritate privata semper est illicita?*

Resp. Aff. Constat i. Ex Eccli. 28. *Qui vindicari vult, à Domino inveniet vindictam... Memento novissimorum, & desine inimicari.* Et ex Mat. 7. supra cit. & ex Rom. 12. *Nulli malum pro malo reddentes... Non vosmetipso defendentes (hoc est ulciscentes.) Scriptum est enim: mihi vindicta, & ego retribuam, dicit Dominus, &c.* Et i. ad Theff. 5. *Videte, ne quis malum pro malo alicui reddat.* 2. *Quia vindicta privatâ auctoritate illata, est non solum contra Charitatem, sed eti-*  
ama

am contra justitiam : cum quia est usurpatio alienæ potestatis, nempe Superioris, ad quem solum punitio pertinet : cum quia quisque habet jus, ut non puniatur ab eo, qui nullam habet auctoritatem, & jurisdictionem in ipsum. Imò nunquam licet expetere punitionem inimici, et si justam, & legitima auctoritate factam, quatenus ejus malum est ; nam hoc est actus odii nunquam liciti.

## CAPUT III.

*De Ordine Charitatis:*

**Q. i.** *AN Ordo in Charitate servari debet?*

Resp. Aff. Ita omnes. Prob. i. ex Cant. 2. Ordinavit in me Charitatem. 2. Ex S. Aug. lib. i. de Doctr. Christ. cap. 27. Ille justè & sanctè vivit . . . Qui ordinatam dilectionem habet, ne aut diligit, quod non est diligendum; aut non diligit, quod est diligendum; aut amplius diligit quod est minus diligendum; aut aquè diligit, quod vel minus, vel amplius diligendum est . . . Etsi Deus omni homine amplius diligendus est, amplius quisque debet Deum diligere, quam seipsum. Item amplius alius homo diligendus est, quam corpus nostrum: quia propter Deum ista omnia